



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Gd  
52  
30



Gd 52.30







27  
/ 1/

Gd 52.30



**EPISTOLA CRITICA**

**DE**

**DURIDIS SAMII**

**RELIQUIIS.**





# EPISTOLA CRITICA

DE

## DURIDIS SAMII

## RELIQUIIS

AD

IAN. GER. HULLEMANNUM.

SCRIPSIT

IAC. MARIN. VAN GENT.

ACCEDIT EMENDATIONUM PAR.

---

*Εἰ μὴ φυλάσσεις μικρ', ἀπολεῖς τὰ μείζονα.*

HEMANNUS.

---

LUGDUNI BATAVORUM,

SUMTIBUS H. W. HAZENBERG ET SOCIORUM.

1842.

Gd 52.30







072  
2

Gd 52.30

over




**EPISTOLA CRITICA**

**DE**

**DURIDIS SAMII**

**RELIQUIIS.**





# EPISTOLA CRITICA

DE

## DURIDIS SAMII

## RELIQUIIS

AD

IAN. GER. HULLEMANNUM.

SCRIPSIT

IAC. MARIN. VAN GENT.

=

ACCEDIT EMENDATIONUM PAR.

---

*Εἰ μὴ φυλάσσεις μικρὸν, ἀπολείς τὰ μείζονα.*

HERANDER.

---

LUGDUNI BATAVORUM,

SUMTIBUS H. W. HAZENBERG ET SOCIORUM.

1842.

Gd 52.30

Harvard College Library  
Bowie Collection  
Gift of  
Mrs. E. S. Standage

VIRO DOCTISSIMO

IAN. GER. HULLEMANNO

S. P. D.

IAC. MARIN. VAN GENT.

Occupato mihi in ordinandis illustrandisque  
DURIDIS SAMII reliquiis, ecce, offertur idem ille  
Duris, eruditione Tua et diligentia exornatus, hu-  
manitate ad me missus. Iam primum omnium ac-  
tum laborem gratulatus Tibi D.V! pro dono et ob-  
servantia debitas ago gratias. Duridis edendi cōnsi-  
lium a Te quoque agitari pridem cognoveram: nec  
tamen idcirco a proposito desistendum mihi esse  
arbitrabar, memor imprimis eorum, quae sapien-  
tissime Homericus ille Diomedes pronunciavit

*σύν τε δὴ ἐρχομένῳ, καὶ τε ὁ πρὸ τοῦ ἐνόησεν  
ὅπως κέρδος ἔη.<sup>1)</sup>*

---

<sup>1)</sup> Il. X, 324.

Quae quamquam ita sunt, D.V! tamen, Duride a Te prius edito, fieri non potuit, quin multa eorum, quae ego eram commentatus, tuto possent premi: praesertim, quum in multis, ut eiusmodi res fert, in eandem fere sententiam utrumque nostrum incidisse comperiebam. Quid multa: misso consilio perfectae Duridis editionis adornandae, ea tantum in vulgus putabam edenda, quibus meo labore aut interpretando aut emendando aliquid lucis attulisse mihi videbar. Quae cur in epistolae formam redacta ad Te D.V! potissimum mitterem, res ipsa loquitur. Sunt in meis, quibus a Te dissentientem me deprehendes: sed libera sunt iudicia; reperies et quae te fugerunt: verum hoc in tractandis veterum scriptorum reliquiis omnino obtinere debet, nimirum ut eae non semel, sed iterum rursusque diligenter excutiantur et quasi cribello accurate cernantur: donec tandem aliquando, quoad id fieri licet, nihil obscuri corruptive resideat. Tu Duridis *λελειμμένα* prius cribrasti: ego post Te faciam. De residuis alii videant.

Sed ne iusto diutius Te talibus morer, rem ipsam aggrediar. Quae ego monenda habebam, ad Tuae editionis paginas composui.



P. 3. *De Duridis — vita, cet.*] In enarranda Duridis vita notandus est insignis Fabricii et Harlesii error. Hi enim (Bibl. Gr. L. II. cap. 9 et L. III. cap. 8.) Duridem iis annumerant scriptoribus, qui Alexandram M. in Asiam sunt comitati; quod nec per aetatem licuisset, nec ullo veterum scriptorum testimonio confirmatum video.

Ibid. not. 1. *nomen Δούρις repentes ἀπὸ τοῦ δουρός, cet.*] Eustathii et Etymologi M. locos mihi perpendenti, quibus continetur originitio nominis Δούρις, operae pretium facturum videbar, si et alia Graecorum nomina ab armatura desumta conferrem; praesertim quum hoc a Keilio in Onomatol. Graec. aut omisum, aut in aliud tempus remissum videbam. Sunt autem haec: Γρόσφος, Horat. Od. II, 16; γρόσφος item teli genus est. Polyb. VI, 22. 4. Ἀκόντιος, Archiloch. apud Athen. XV, 668. c. Ἀκόντης, Apollod. III, 8. 1., nisi corruptum sit pro Ἀκόντιος. Αἶχμης, ab αἰχμή, cuspis. Pausan. VIII, 5. 6. Θώραξ, quo nomine bene multi vocati fuere. Τελαμών, de quo Eustathius l. l. Ἀσπίς, clypeus: sed item serpentis genus est. Nepos Datam. 4. Δευκόλοφας, Aristoph. Eccles. 645: quod nomen fictum a comico videri possit, nisi Δευκολοφίδης exhiberet Xenoph. Hellen. I, 4. 21. Μαχαίρων, Plut. Ages. 35. Μαχαίρευς, Strab. IX, 3. Fortasse et huc pertinet Φάληρος, Theocr. V, 103.

P. 6. not. 3. *Fons traditionis, cet.*] Non unicus traditionis fons est Athenaeus, sed et Pausanias VI, 13. 3.; siquidem eius verba de *Duride*, nec vero de Duridis cuiusdam filio sint accipienda. Hic enim de Duridis (?) imagine Olympiae posita locutus, sic pergit: Μετὰ δὲ τὸν τύραννον (Duridem) Διάλλος ὁ Πόλλιδος ἀνάκει-ται. Sed de toto hoc loco mihi quidem noudum constat.

Nam videndum an in corruptis καὶ ὅς ἔστιν, ὁ Δούριος, Σάμιος (sic enim Codd.) longe aliud quid latitet, quam Tu statuisti. Num forte καὶ ὅς depravata sunt ex Δυγνέως aut Ἀγκυτος? Sed magis fortasse placebit coniectura, quam proposuerunt Walz. et Schubart. legentes Σκατος. Quos vide ad h. l. quem copiosius etiam tractarunt Praef. p. XLIX sq. Quidquid sit, si forte quis olim idoneis argumentis demonstraret in verbis καὶ ὅς latere verum pugilis nomen, tota Tua huic loco superstructa disputatio ἀνυπόστατος fiat necesse est.

P. 17. Μακεδονικά, non Λακεδαιμονικά, cet.] Turbatum esse in vocabulo Λακεδαιμονικά vel inde perspicitur, quod Graeci constanter dixerunt Λακωνικά.

P. 21. Nec mirum adeo si hic, cet.] Paulo aliter hic mihi videtur statuendum. Ubinam substituerit Duris disertus a nemine traditur. Diodori Sic. liber XXI, qui id nos docere fortasse potuisset, aetatem non tulit. Postrema temporis indicia ea praebent, quae Duridis auctoritate narrat Plin. H. N. VIII, 61. de Lysimachi morte, quae accidit Ol. 124, 4. Sed ea iam fuit scriptorum illius aetatis ratio, ut certis quibusdam temporis momentis, quae sponte tanquam termini in vasta rerum gestarum materia emerent, sua opera finirent. Tale fuit mors Philippi, tale Alexandri. Quum autem septem circiter mensibus post Lysimachum et ipse Seleucus, ultimus successorum Alexandri M., decesserit (a. C. 280, mense Ianuario; Clint. ad h. a.), cuius morte aetas τῶν Διαδόχων finitur et novum temporis spatium (τῶν Ἐπιγόνων) incipit: idcirco iusto audacius fecisse non videbimur, si statuamus Duridem Ἱστορίας suas ad hoc usque tempus deduxisse. Idem et alii fecere: Diod. Sic. I, 3: οἱ μὲν

γὰρ εἰς τὰς Φιλίππου πράξεις (Theopompus, Anaximenes, Zoilus), οἱ δ' εἰς τὰς Ἀλεξάνδρου (Ptolemaeus, Aristobulus, Anaximenes, alii), τινὲς δ' εἰς τοὺς διαδόχους (Hieronymus Cardianus, Duris? <sup>1)</sup>) ἢ τοὺς ἐπιγόνους (Hieronymus Card., Nymphis), κατέστρεψαν τὰς συντάξεις. Neque aliud fecit ipse Diodorus, qui vigesimum primum Bibliothecae librum, eodem, quo Duris suas Historias, anno terminavit et eo usque ex hoc profecisse videtur. Quae si recte disputavi, totum Duridis opus, praemissa undecim annorum προκατασκευῇ (Ol. 102, 3.—105, 2.), ea continuisse apparet, quae vulgo Φιλίππειά, τὰ περὶ Ἀλέξανδρον et τὰ περὶ τῶν Διαδόχων a rerum scriptoribus dicebantur: ita quidem ut inde a libro XI usque ad operis finem res τῶν Διαδόχων fuerint enarratae.

P. 29. not. 2. *Quomodo vero* — Panofka, cet.] Perverse agere, qui Ὅροι scribere velint, vel inde apparet, quod nemo facile de *insularum* finibus faisset scripturus, quippe qui satis sunt in promptu. Nec quidquam me movet opinio, quam de hac re protulit Panofka, quasi Duridis Σαμίων Ὅροι (sic enim vult) scripti faissent de litibus Samios inter et Prienenses ob *fines* agri, in continente siti, obortis. Vellem scire quid V. D. de reliquis Ὀροις statuisset, v. c. de Malaci Σιφνίων Ὀροις. Exceptis igitur philosophorum libris, Ὅροι inscriptis, non dubito, quin cum Creuzero ubique eiusmodi commentariis vindicandus sit titulus Ὀροι; qui variis modis reperitur vitiatus. Sic apud Diog. Laert. I, 119. legitur Δ. ἐν τῷ β' τῶν Ἰερῶν. Veterum Horographi (de quibus conf.

<sup>1)</sup> Iam proposui hanc coniecturam in Tabula Chronologica Historic. Graec., quam edidi ante hos quatuor annos.



Diod. Sic. I, 26.) praeter eos, quos Tu recenseres, hi fere sunt: Artemon (Κλαζομενίων Ὡροι); Charon (Λαμψακήνων Ὡροι); Creophylus (Ἐφεσίων Ὡροι); Heropytus (Κολοφινίων Ὡροι); Malacus (Σιφνίων Ὡροι); Neanthes (Κυζικηνών Ὡροι); quibus addendus est Theolytus Methymnaeus, cuius Ὡροι nude citantur ab Athenaeo IX, 470. b., quos tamen Μεθυμναίων vel potius Αεσβίων Ὡρους fuisse suspicor, collato eodem Athenaeo VII, 296. a. De omnibus his consuli potest Vossius: cuius tamen, uti et Westermanni diligentiam fugisse video ultimum, quem memoravi, Theolytum.

P. 43. *A dictione, cet.*] Facit huc quodammodo locus Himerii, unicus, quem in tanta fragmentorum copia et farragine Te video praetermisisse. Neque is ita magni est momenti. Himerius igitur (Declam. XIV, 27 ed. Wernsdorf.) Hermogenem adeo est demiratus, ut dicere non vereatur: ἔγωγς πρότερον ἐπὶ τοῖς Ἡροδότου λόγοις ἡδέως διακτιθέμενος παῖδα τὸν Ἡρόδοτον πρὸς τὴν τοῦτου (Hermogenis) χάριν ὑπέληφα. Μικροὶ δέ μοι λοιπὸν Ἕλληνικοὶ τε καὶ Δούριδες, ἔτι τε ἢ τοῦ Ἀλικαρνασσέως <sup>1)</sup> ποιήσεις καὶ ὅσοις λόγῳ γράψαι τὴν οἰκουμένην σπουδῇ ἐγένετο πρὸς ἐκείνας τὰς ἑγγας, αἷς οὕτω (οὗτος;) κατακηλαί τοὺς ἀκούοντας. Sed ineptum Himerii iudicium, ut parum offendit Herodoti et Hellanici existimationi, sic et nobis quidem Duridis laudibus nihil addere, nihil demere videtur.

1) Hoc modo oratori loqui licet, rerum scriptori non item. Quapropter miror accidere potuisse Wyttenbachio, ut improbaret egregiam correctionem loci Polybiani I, 3. 2., ubi pro corruptis παρὰ τοῦ τοῦ Σικυνίου verissime emendavit Reiskius Ἀράτον τοῦ Σικυνίου: qua lectione rejecta Wyttenb. legit παρὰ τοῦ Σικυνίου. Vid. Wyttenb. Select. Princ. Hist. p. 419.

P. 69. Fr. I. Ἐφορος — ἀπελειφθῆσαν.] Pro γενομένων  
cum Casaubono omnino legendum est προγενομένων.

P. 72. Fr. IV. Χάρητι — διὰ Λυσάνδρου.] Mirum quan-  
tum interpretes cruciarunt corrupta illa διὰ Λυσάνδρου  
Perperam Wichersius ad Theopomp. p. 227. legit διαλυ-  
θῆναι, non sentiens praestantiam coniecturae Schweig-  
haeuseri, corrigentis διαναλωθῆναι (pro quo tamen mal-  
lem ἀναλωθῆναι); quod verbum egregie convenit dativo  
Χάρητι, qui casus huic verbo fere iungitur. Hinc solennis  
in Atheniensium psephismatis formula: ἐκ τῶν εἰς τὰ ψη-  
φίσματα ἀναλισκομένων τῷ δήμῳ.

P. 77. Fr. IX. Plut. de Alex. fort. II. p. 342. Ἐκ τοῦ-  
τον — φησὶν.] Videndum an hic forte in nomine Φύλακ-  
τος lateat Κλειταρχος, quem haud scio an Duris in enar-  
randis Alexandri M. rebus gestis hic illic fuerit secutus.

P. 78. Fr. XI. Νῦξ δ' ἄρ' ἔην — ἄστροις.] Maiorem  
vellem operam collocasses in istis Tzetzae versibus: nam  
hic furem praehendisses. Versus enim sextus, quem his  
suis inseruit Tzetzes (vid. Posthóm. 720.), pluma est,  
quae Leschae excidit, cuius nomine addito citatur ab ipso  
Tzetzae ad Lycophr. 344. Ante eum iam citaverant Schol.  
Eurip. Hec. 892 et Eudoc. p. 31., utrique itidem τῷ τῆν  
μικρὴν Ἰλιάδα πεποιηκότι (Leschae) tribuentes. Sequens  
versus corruptus est et male interpunctus. Totus locus  
hoc modo sanandus:

Νῦξ δ' ἄρ' ἔην μέσση, λαμπρὴ δ' ἐπέτελλε Σελήνη,  
παρθένος, εἰσελάσασά δρόμον μεγάλου ἐν ἄστροις.

Inde simul intelligitur duos istos versus arcte invicem

cohaerere; quorum et alter: *παρθένος*, cet., concinnior est, quam ut e Tzetzae officina possit esse profectus. Quod dubium videbitur nemini, cui curvis recta dignoscere licet. Quapropter suspicio oboritur novum fortasse Leschae versum hic nos esse lucratos, nusquam, me sciente, si hunc locum excipias, obvium. Nec me fugit *Ξελήνη*, quae hic *παρθένος* dicitur, ab Homero (?) Hymn. 32, 14 sq. vocari matrem Pandiae, Iove conceptae. Sed in talibus parum sibi constabant veteres. Ceterum cavendum, ne e versu 11 colligamus Hellanicum et Duridem poetas fuisse; quod accidisse video Dodwello. Huic enim fucum fecit verbum *ἀσίδειν*; ita quidem, ut statuerit Hellanici opus, unde sua habet Tzetzes, fuisse metricum. Quod vel coniuncta Duridis mentione redarguitur. Retulerat Hellanicus in *Τρωϊκοῖς*: Duris in Macedonicis. Vidd. Dodwell. de vet. Graec. et Rom. Cycl. p. 803 sq. Sturz. ad Hellan. p. 152 sq., qui temere Dodwello suffragatur. *Ἀσίδειν* h. l. nil aliud est nisi *referre*, quo sensu etiam dicitur *ὑμνεῖν*. Eodem modo Latini *canere*. Ovid. Heroid. I, 28. Conf. quoque Welcker Syllog. Epigr. Graec. p. 50. not.

P. 82. Fr. XIII. *Ἐν μόνῃ — τῷ Μιθρη.*] Ante τῷ *Μιθρη* exoidit articulus *τῇ*.

P. 83. *Inter omnes — auctoribus.*] Ex hisce Plinii verbis colligas, tum citatos scriptores de pyramidum auctoribus inter se invicem dissensisse, tum de ea re parum constituisse ipsi Plinio. Quid *Duris* tradiderit prorsus non liquet. Herodoti testimonium (II, 124—136.), quo Cheops, Chephren et Mycerinus trium maiorum pyramidum conditores vocantur, recentiores harum rerum periti (Cham-

pollion, Wilkinson, Rosellini, Salvolini, Lepsius) disquisitionibus suis egregie confirmarunt. Conf. quoque C. Leemans, *Lettres sur les monumens Egypt. cet.* Dissensio autem, quam Plinius inter scriptores obtinuisse refert, fortasse non tanta fuit, quam quidem videtur; quum nomina Aegyptiaca regum, non facile ad Graeci sermonis formas redigenda, diversis modis a Graecis scriptoribus, linguae et literaturae Aegyptiacae vulgo imperitis, exprimi potuerint; ita quidem ut de diversis hominibus sermo fuisse videri possit, quum revera unus tantum idemque rex significaretur. Sic, ut hoc utar, Cheops, qui a Diodoro Sic. I, 63. Chembes, ab aliis Chemmis dicitur, est *Suphis* s. *Schouphou* s. *Chouphou*; Chephren (Cephren Diodori) est *Sjafre* s. *Schephre*; Mycerinus est *Menca-re* s. *Men-ca-ri*. Duorum priorum nomina in ipsis pyramidibus inque earum vicinia reperta auctores satis arguunt. Conf. Diod Sic. I, 64. Mycerini autem non tantum nomen, sed etiam scrinium ligneum, cadaveris partem continens, in ipsa ab eo exstructa pyramide nuper (1837) est repertum; quae reliquiae hodie asservantur in Museo antiq. Britann. Conf. Eclaircissements sur le cercueil du roi Memphite Mycérimus, traduits de l'Anglais et accompagnés de Notes par Ch. Lenormant; suivis d'une Lettre sur les inscriptions de la grande pyramide de Gizeh par le Dr. Lepsius. Paris. 1839.

P. 84. Fr. XIV. ἀναβάδην τε μετ' αὐτῶν καθήμενον.] *Ἀναβάδην καθῆσθαι* est *sedere pedibus scabello impositis, scabello consenso (ἀναβαίνειν)*: qui tum apud Graecos, tum apud Orientis populos, ut h. l. edocemur, feminis mos fuit. Dio Chrys. p. 588. d. ἀποδιδράσκων εἰς τὴν γυναικωνίτιν καθῆστο ἐπὶ χρυσηλάτου κλίνης ἀναβάδην ὑπὸ

ἀλουγέσι παστοῖς. Eodem modo sedebant scribentes: Aristoph. Acharn. 399 et 410; quippe quia δέλιον genibus imponebant. Pseudohom. Batrachom. 3. Sunt, qui putant hic cogitandum esse de Sardanapalo *indecore* inter feminas assidente. Vid. Baehr. ad h. l. Sed haec loci via non est: hoc sibi vult Ctesias, regem effeminatum feminarum more (ἀναβάνην) inter ipsas feminas (μετ' αὐτῶν) sediasse.

P. 94. Fr. XX. Τοῦτο δὲ — ἐνίοτε ἦν.] Corruptela latet in ἐνίοτε ἦν, quod vix Graecum esse credo. Quapropter scriptum mallem ἐν ἔθει ἦν. Eodem modo Plut. Comp. Demetr. cum Anton. 4: γεγονὸς ἐν ἔθει τοῖς Μακεδόνων βασιλεῦσιν. Nam sequens γούν, saltem, restringendi significationem habens, nullo modo referri potest ad ἐνίοτε, quod requireret γάρ. Sensus hic est: *Hoc et apud Alexandrum moris erat. Saltem, quum aliquando duces numero circiter sexcentos epulo excipiebat*, ceter. Conf. quoque Hegesand. apud Athen. I, 18. a.

P. 96. Fr. XXII. Duobus mendis haec Plutarchi laborant. Primum latet in εἶδεν, cui substituendum οἶδεν. Porro pro στρατευομένων lege συστρατευομένων: oblitterata enim sunt συ contiguas.

P. 97. Fr. XXIII. ὥσπερ Ἀντίπατρον.] Suspicionem haec moverunt. Itaque, quum GELLIVM de hac difficultate consulerem, statim correxit ὥσπερ αὖτε πατέρα; mihi relinquens, ut explicarem coniecturam, ac, si possem, argumentando munirem. Quod lubenter aggredior, quoniam εὐστοχώτατα coniecisse videtur. Primum quaeritur an ullo pacto defendi possit vulgata lectio, secundum quam Alexander Phocionem *solum, uti Antipatrum*, in

epistolia solenni illa formula τοῦ χαίρειν fuerit allocutus. De Antipatro res nusquam traditur. Macedoniae et Graeciae eum praefecerat Alexander in Asiam profecturus (Arrian. I, 11.), saepiusque absens, ut par est, literas ad eum misit (Plut. Alex. 46, 47, 55, 57.): nec tamen usque adeo eius fide nitebatur rex, ut prae ceteris ducibus observantiae et amicitiae documentis eum cumlaret. Contra: pluribus evincitur Antipatrum non omni suspitione regni affectati caruisse. Plut. ib. 74: *μάλιστα δὲ Ἀντίπατρον ἐφοβήτο*. Conf. ib. 77. Eodem modo et ipse Alexander suspectus erat Antipatro. Plut. ib. 49. Porro manifesto sibi metipsis obloquuntur Plutarchi verba: nam si unum Phocionem allocutus est Alexander *μετὰ τοῦ χαίρειν*, vereor an recte dici possit id eum fecisse ὡς περ Ἀντίπατρον: nam tum duo fuerunt. Frigidior sane est Schefferi opinio, putantis vocabulum *μόνον* significare Phocionem unicum fuisse ex peregrinis et exteris, cui hoc contigerit. Vid. Scheff. ad Ael. V. H. I, 25. Ceterum vix puto id recte Graece dici posse: additum enim foret καὶ aut τὸν Ἀντ. ne significaret: *tamquam Antipatrum aliquem*. Scripturus erat, opinor, vel Plutarchus, vel Duris: ἀπεστὶς τῶν ἐπιστολῶν τὸ χαίρειν πλὴν ἐν ὅσαις ἔγραψε Φωκίῳ καὶ Ἀντιπάτρῳ· τοὺτους δὲ μόνους μετὰ τοῦ χαίρειν προσηγόρευε; et verba τούτων — *προσηγόρευε* tum demum infictae tantologiae absolvi poterunt, si eximiam quandam huius reverentiae rationem continent. Quid rei mihi esse videatur, dicam. Alexander, Asia potius, more huius regionis regum, *μοναρχικώτερον* se gerere incepit, Persarumque illam *προσκύνησιν* admisit (Plut. Alex. 74.) et, quo facilius regiam dignitatem tueretur, in epistolis, quas ad duces suos regionumque praefectos aliosque mittebat, τὸ χαίρειν propterea fortasse

omisit, quia hoc ei maius observantiae documentum continuisse videbatur, quam a rege subdito dari posset. Unum tamen omnium excipiebat rex, nimirum Phocionem: cuius animi integritate et virtute adeo erat captus, ut, qui omnibus sese maiorem crederet, Phocionem maxima reverentia prosequeretur, ita quidem, ut ad hunc, tamquam ad patrem, scribens, τὸ χαίρειν omittere quasi non fuerit ausus. Iam vero aliud accedit argumentum. Aelianus l. l., qui eundem Duridis locum excerpit, sic ait: Ἀλέξανδρος... Φωκίων... μόνω... γράφων, προσετίθει τὸ χαίρειν; quibus subiungit: οὕτως ἄρα ἡγήκει τὸν Μακεδόνα ὁ Φωκίων. Num dubitari potest his verbis Aelianum expressisse vera Plutarchi verba: ὡς περ ἀνὰ πατέρα? Quae sequuntur apud Aelianum usque ad capitis finem eidem Duridi deberi non dissimile veri est.

P. 98. Fr. XXIV. τὴν μὲν βασιλικώτερον κ. τ. λ.] Bacchi cultui deditam se ipsa profitetur Olympia in Epistola ad filium Alexandrum apud Athen. XIV, 659. f. Omnino quoque conferenda sunt verba Plut. Alex. 2. In sequentibus καὶ παρὰ Κυννάνῃ delendum est καὶ.

P. 102. Fr. XXVIII. καὶ ταῖς μὲν δαπάναις — Φοινίκας.] Quid illis temporibus fuerit Macedones superare conviviorum splendore, optime intelligitur perlecto insigni fragmento ἐπιστολῆς δειπνητικῆς Hippolochi, missae ad Lynceum, Duridis fratrem, (Athen. IV, 128. a. sqq.), ubi Carani, Macedonis cuiusdam, nuptiae describuntur. Illustria quoque fuerunt convivia Antigoni et Ptolemaei: nec minus celebratur illud, quo Lamiam excepit Demetrius Poliorcetes; de quibus omnibus egerat Lynceus in Epistolis ad Hippolochum. Conf. Athen. l. l. — Phoenices,

ut ex h. l. discimus, munditia erant conspicui. Quapropter, qui comparationem hos inter et nostrates instituere velit, inde aliud in rebus domesticis convenientiae argumentum petere possit. Sed fugerunt haec V. D. Dornseiffen in Compar. inter Phoenic. et Neerl. inserta Symbol. Liter. Vol. II. p. 49.

Ibid. ἀνθινά — δημιουργῶν.] Locus corruptus et vulgo male intellectus. Aelianum, qui prae festinatione negligentissime hunc locum descripsit, iam pridem explosit Perizonius. Nullo enim modo hic de pavimentis, veris floribus conspersis, cogitare licet. Duridis verba sic videntur legenda: ἀνθινά τε τὰ πολλὰ τῶν ἐδαφῶν ἐν τοῖς ἀνδρῶσι κατεσκευάστο, διαπεποιικιλμένα ὑπὸ δημιουργῶν i. e. et pavimenta in virorum conclavibus erant musiva, floribus variegata ab opificibus; i. e. pavimenta illa musiva flores referebant. In hos autem Demetrii τρυφή et effeminatum ingenium cernebatur, quod illud obtinebat ἐν τοῖς ἀνδρῶσι. Ceterum de hoc loco conf. Letronnius Lettres d'un antiquaire a un artiste p. 311. sq.

Ibid. ὁ τοῖς ἄλλοις τιθέμενος θεσμούς.] Nae parum curassent Athenienses Demetrii commentarios περὶ τῆς Ἀθηναίων νομοθεσίας, quos Tu hic memoras: non magis, puto, quam eius aliorumque sexcentorum libros περὶ νόμων. De veris iisque sumtuariis legibus hic cogitandum est; quas revera tulit promulgavitque Demetrius ad minuendam populi luxuriam. Harum unam, funerum sumtus spectantem, memorat Cic. de Leg. II, 26. *Iste igitur — praefecerat.* Haec ipsam legem spectant. At in opere περὶ τ. Ἀ. νομοθεσίας lecta fuerunt, quae refert ibid. 25. *Postea — sunt.* et 26. *sed ait — Romae est.*



Ibid. ποιήματα — γεραιρέι.] Nomen poetae *Καστορίωνος* (quem Tu minus recte *Castarionem* appellas) egregie reposuit Leopardus; fueritque hic idem ille Castorion Solensis, cuius iambica quaedam satis mira affert Athen. X, 455. a. At vero in quod metri genus eius versus, ut hic eos habemus, sint fusi, equidem non video. Pato eos misere esse turbatos, et anapaesticos esse, quos hoc modo refingo:

— — ἔξοχα δ' εὐγενέτης ζυθίου  
 ἡλιόμορφος τ'  
 ἄρχων τιμαῖς σε γεραιρέι.

Pro *ἔξοχος* δ', quo metrum constet, reposui *ἔξοχα* δ'; post *ἡλιόμορφος* addidi τ': nam ultimam ancipitem non fert systema anapaesticum; quo facto simul ingratus epithetorum cumulus frangitur. In *εὐγενέτης* et *ἡλιόμορφος* servari potest Atticismus. Vid. Aristoph. l. mox l. Vocabula *ἡλιόμορφος* et *σε* sedes mutare iussi. Totius loci sensus hic est: *eximie nobilis (prae-nobilis) Solique similis Archon (Demetrius) Te (O Bacche!) divinis muneribus honorat.* Efficiebant autem, ni fallor, hi versus particulam initii carminis lyrici, quod tamen non totum anapaesticis versibus constituisse putandum est; cuiusmodi duo luculentissima exempla exstant apud Eurip. Bacch. 64 sqq. et Aristoph. Av. 1718 sqq.

P. 109 Fr. XXXII. καὶ ἐφιστάμενος] Non dubito, quin hic legendum sit *ἐφισταμένον*; nimirum *Δημητρίου*, revocandum e praecedente *αὐτῷ*. Vulgus autem Demetrium, sicubi prae multitudine hominum procedere nequibat, consistentem cantilenis blandissimis exiciebat.

Ibid. καὶ αὐτὸν τὸν ἰθύφαλλον.] De hoc carmine egit V. C. Eichstädt in libro: *Ithyphallicum carmen Dem. Pol. cantatum, quum ad sacra Cereris Athenas reverteretur. Ienae 1807*; quem tamen inspicere mihi non contigit. Post τὸν ἰθύφαλλον plura excidisse, quam unum verbum παρατίθεται, iam vidit Casaubonus, duos priores carminis versus interiisse recte statuens. Corruptionis causa fortasse in eo quaerenda, quod secundus versus desiit in idem vocabulum ἰθύφαλλον. Porro maiore lacuna locum hiare vel inde intelligitur, quod carmen statim incipit a vocabulo ὥς (a Te minus recte mutatum in ὡς) quod h. l., ut sexcenties, rationi reddendae egregie inservit. Quae exciderunt, sine dubio continebant adhortationem populi ad laetitiam, in hunc fere modum: *Gaudete Athenienses! saltate et Ithyphallicum carmen cantate, quum (ὥς) maximis deorum, oet.* Eodem fere modo orditur Ithyphallicum carmen apud Athen. XIV, 622. b.

Ἀνάγετ', ἀνάγετε κῶμον, εὐρυχωρίαν  
τῷ θεῷ ποιεῖτε·  
Ἐθέλει γὰρ ὁ θεὸς δροθὸς ἐσφυρμένος  
διὰ μέσον βαδίζειν.

Ubi γὰρ idem valet ac ὥς in carmine, de quo nunc sermo est. Ceterum vocabulum ἰθύφαλλος seriore demum aetate de ipso carmine est usurpatum. Antiquitas, ut videtur, τὸ Φαλλικόν dicebatur; sic saltem illud vocat Aristoph. Acharn. 261. Conf. quoque Hesych. v. Φαλλικόν.

P. 110. v. 9. Σμυρόν.] Leg. Σμυρός.

Ibid. v. 25. Αἰτωλός.] Leg. Αἰτωλόν. Sic duo Codd. Par.

Ibid. v. 34. σπίνον.] Σπίνος est *fringilla*, avis parva, qua vescebantur veteres. Aristoph. Av. 1078:

δει συνείρων τοὺς σπίνους, πωλεῖ καὶ ἐπὶ τοῦ ῥολοῦ.

*Σπίνος*, metro manifesto indicante, paroxytonon est: *σπῖνα* autem, quod teste Hesych. in v. idem significat, properispomenon. Et hinc elicienda vera huius loci lectio, restituta a Schweigh. — Codd. in alia omnia abeunt.

P. 114. Fr. XXXIII. ἐπὶ παρόνῃ — τραγικόν.] Animum hic inducere non possum, ut probem emendationem Tuam, quamquam speciosam: καὶ ἐπιπόρημα. Quid enim illud ἐπιπόρημα τραγικόν? [Non dubito, quin hic sermo sit de vestimenti quodam genere, *ξυστίδι* superiniecto, non vero de ornamento sive fibula. Nam *ξυστίς* tantummodo est *ἐνδυμα* i. e. *χιτών*, licet ea fuerit *ποδήρης*; ita ut in corruptis ἐπὶ παρόνῃ nomen τοῦ περιβλήματος latere suspicer. Fortasse legendum ἐμπαρόνημα τ' ἐλάμβανε τραγικόν; fueritque tragicum illud ἐμπαρόνημα fortasse non diversum ab eo vestimenti genere, quod *στατός* vocatur a Plut. Alcib. 32., ubi *στατοὶ* et *ξυστίδες* coniunguntur, tanquam ad τὸν ἐναγώνιον κόσμον pertinentes.

P. 120. Fr. XXXIV. καὶ τὸν θάνατον — γενόμενον.] Pro παρ' αὐταῖς ταῖς ἐπιθυμίαις legam παρ' αὐτῆς τῆς ἐπιθυμίας τ. μ. γενόμενον, i. e. eius mortem vini cupiditate esse effectum. Item vereor, ut Duris loci Homerici sensum recte perceperit. Non enim hoc sibi vult Agamemnon, inebriatum se esse occisum: sed, ut commonstret horrendam sceleris atrocitatem, in media epuli laetitia se maclatum esse dicit, οἰκτιστῶ θανάτῳ, tanquam βοῦν ἐπὶ φάτνῃ. Totus enim Homeri locus ad misericordiam et indignationem excitandam egregie est comparatus.

P. 123. Fr. XXXVII. ὑφ' Ἡρας ζηλοτυπουμένης.] Immerito hic Tu ζηλοτυπουμένην. ut recte est in editionibus, apud Photium et Suidam, mutasti in ζηλοτυπουμένης. Corrigendus potius Apostolius. Subintelligendum enim pronomen αὐτὴν (Lamiam), quod facile repetas ex praecedente αὐτῆς. Dicunt ζηλοτυπεῖν τινα, et, passivo sensu, ζηλοτυπεῖσθαι ὑπὸ τινός: non vero ζηλοτυπεῖσθαι τινα, sensu activo. Hoc habet Schol. Aristoph.: illud Eudocia l. a Te l.: ἔνθεν (l. ἔνθα) αὐτῇ συνελθὼν ὁ Ζεὺς οὐκ ἔλαθε τὴν Ἡραν, ἣτις ζηλοτυποῦσα τὴν Λαμίαν τὰ γενόμενα αὐτῆς τέκνα ἀνῆρει (l. ἀνήρει) ἀεί. In eo discrepat Schol. ab Eudocia, quod haec Iunonem Lamiae liberos interfecisse refert: quum ille ab ipsa Lamia hoc factum scribat.

P. 124. Fr. XXXVIII. Rectius fortasse hoc Fr. refertur ad Historias, indidemque depromptum sit, unde ea, quae Duris de pyramidibus memorasse dicitur a Plinio. Conf. p. 83. Eadem enim opportunitate, qua res ab Alexandro in Aegypto gestas enarravit, illum huius regionis θαυμαζόμενα retulisse ex utroque loco colligitur. Hoc ei moris fuisse indicant Fr. XVIII, XIX, XXV, XLII.

P. 126. Fr. XL. Suid. Εὐρύβατος, πονηρός. ἀπὸ τοῦ πεμφθέντος ὑπὸ Κροίσου ἐπὶ ξενολογίαν μετὰ χρημάτων. ὥς φησιν Ἐφορός, εἴτα μεταβαλλομένου πρὸς Κῦρον. Ἦν δὲ Ἐφέσιος. Οἱ δὲ τὸν Κέρκωπα τὸν ἔττρον. Διότιμος Ἡρακλέους ἄθλοις.

Κέρκωπὶς τοι (θ' οὐ Bergk.) πολλὰ κατὰ τριόδους πατέοντες  
Βοιωτῶν σίνοντο· γένος δ' ἦσαν Οἰχαλιῆς  
Ἦλος τ' Εὐρύβατός τε, δύο βαρυδαίμονες ἄνδρες.

*Νικανδρος Αιγίνεον (Αιγινάτων Hemsterh.) Εὐρέβατον παν-  
ουγγότατον· οὗ μνημονεύει Ἀριστοτέλης ἐν α' περὶ δικαιο-  
σύνης. Δοῦρις δὲ ἐν δ' Τῶν περὶ Ἀγαθοκλέα ἀπὸ τοῦ  
'Οδυσσεύς ἐταίρου.*

*Διότιμος Ἡρακλέους ἄθλοις.] Totum locum memo-  
rari ad notandam insignem Düntzeri negligentiam  
dicam an ἀκρισίαν, qui, in libro: Die Fragm. d. Episch.  
Poes. d. Griech. p. 59. de Diotimo agens, hisce defungit-  
tur: »Athenäos bemerkt XIII, 603. d.: Διότιμος δ' ἐν  
»τῇ Ἡρακλείᾳ Εὐρυσθέα φησὶν Ἡρακλέους γενέσθαι πα-  
»δικὰ, διόπερ καὶ τοὺς ἄθλους ὑπομεῖναι. Sehr zweifel-  
»haft ist es, ob diese Ἡρακλεία ein Gedicht gewesen.»  
Sed dubitationi nullus fuisset locus, si, inspecto Suida,  
hi Diotimi versus Düntzero innotuissent. Nam Ἡρακλεία  
et Ἡρακλέους ἄθλοις nomine tantum differunt: quamvis  
hoc arctiore fortasse sensu sit dictum. Ἡρακλεία enim  
eodem modo dicitur, quo Ὀδυσσεύς, quam quis eodem  
iure, sed accuratius, Ὀδυσσεύς νόστον vocare possit.  
Fuit igitur Diotimi Heraclea sine dubio *carmen* idque  
epicum, licet id ab Athenaeo non diserte indicetur. Vo-  
cabulum φησὶν, quo hic utitur de Diotimo, et poetam et  
solutae orationis scriptorem spectare potest. Eodem modo  
labentis graecitatis scriptores de poetis usurpant verba  
ἱστορεῖν et γράφειν. Schol. Apoll. Rh. I, 1357: *Κιναιθῶν  
ἱστορεῖ ἐν Ἡρακλείᾳ.* Pausan. II, 18.5. *Κιν. ἔγραψεν ἐν  
ἔπεσιν.* Contra de solutae orationis scriptoribus Tzetzes  
non veritus est dicere ἀσιδεῖν. Vidd. quae de hoc verbo  
annotavimus supra ad Fr. XI. Diotimi igitur, quos retu-  
limus, versus, eius fragmentis omnino sunt inserendi.  
De Cercopibus conf. Lobeck. Aglaoph. p. 1296. sqq. Bergk.  
Comm. de Com. Attic. antiq. p. 24. sqq. Meinek. Fragm.  
Com. antiq. V. I. p. 24. sq.*

Ἰλλος τ' Εὐρύβατος τε.] Idem Diotimi versus, misere depravatus, latet apud Schol. Lucian. Alex. c. 4., e Cod. Vindob. editum a Schubart. in Zimmerm. Diar. 1834. p. 1134: Ὑπὲρ τοὺς Κέρκωπας· οὗτοι ἐν Βοιωτίᾳ διέτριβον, Οἰχαλιεῖς ὄντες γένος· σύλλος καὶ τριβαλλος ὀνομαζόμενοι, ἐπίορκοι καὶ ἀργοί, ὡς Κρατῖνος, Ἀρχιλόχος (Κρ. Ἀρχιλόχοις Bergk.) καὶ Διοτίμος

σύλλοι τε τριβαλλοὶ τε δύο βαρυσταίμονες ἄνδρες.

Corruptum iam hunc versum legit Scholiasta: quapropter pro σύλλος καὶ τριβαλλος ὀνομ. restituendum: Ἰλλος καὶ Εὐρύβατος ὀνομ., et in versu, ipso poscente metro, Ἰλλος τ' Εὐρύβατος τε. cet. Sed Cercopum nomina Σύλλος et Τριβαλλος pluribus frustra tueri conatur Bergk. l. modo l., putans a librario locum esse turbatum diversa-que testimonia, Cratini nimirum et Diotimi, in unum esse conglutinata: ita ut Cercopum nomina Σύλλος et Τριβαλλος Cratino debeantur. Recte Meinekius opinatur vocabula Σύλλοι τε Τριβαλλοὶ τε genuina nomina Ἰλλος τ' Εὐρύβατος τε e versu expulisse: perperam tamen hic suffragatur Bergkio tradenti Cercopas a Cratino vocatos fuisse *Sillum* (sic) et *Triballum*. Σύλλος *derisor* est: sed nemo unquam hoc nomen Cercopibus tribuit. Confitetur hoc ipse Bergk. Ceterum multos hic affert locos, ubi Τριβαλλοὶ memorantur: nullum tamen unde ullo pacto colligi possit eosdem hos esse atque Cercopes. Et hoc erat demonstrandum.

Ibid. Δούρις δὲ — ἐταίρου.] E loco Homeri Od. XIX, 247. non sequitur Eurybatem, Ulissis sodalem, non fuisse *πονηρόν* atque *παρουργότατον*. Qualis enim ipse Ulisses, Dolonis Rhésique interfector, ὃς πᾶσι δόλοισιν Ἀνδρῶποι-

σι μέλει? Od. IX, 19. Par enim, ut aiunt, pari gaudet. Ἄρτιος (ἀραρίσκω) significat *aptus, consentaneus*: ἄρτια εἰδέναι *prudens, sollers* (ἀρτίφρων) *esse*: ἄρτια βάζειν (Od. VIII, 240.) idem quod πεπνυμένα βαζ. *consentanea loqui*.

P. 126. Fr. XLI. ὥς φησι Δούρις.] Mirum sane accidere debet Duridem hic testem adhiberi, qui floruit anno a. C. circiter 270. Quapropter pretiosissimum hoc Fr. vocare non dubito: quippe quo edocemur Duridem inter antiquissimos fuisse Graecorum, qui quaedam tradiderunt de Romanis, quorum ante Theopompum nemo fecerat mentionem. Plin. H. N. III, 9. Aristoteles Romam a Gallis captam narravit, sed servatam a *Lucio* quodam, qui tamen est *Marcus* Camillus: Plut. Cam. 22; e quo Plutarchi loco discimus eandem quoque rem tetigisse Heraclidem Ponticum. Qui primus Graecorum diligentius quaedam de Romanis tradidit, fuit Duridis praeceptor Theophrastus. Plin. l. l. Conf. Krause Vit. et Fr. Hist. Rom. p. 30. sqq.

P. 127. συστρατηγός ὢν Τορκουάτου.] Res toto hoc fragmento enarratae a Clintono referuntur ad annum a. C. 337. (F. H. T. III. p. 498. not. a.); quo anno consules hic fuisse putat T. Manlium Torquatium III et P. Decium Murem, quorum hic se pro patria devovit. Liv. VIII, 3. sqq. Quod tamen factum esse in bello contra Latinos, Campanos, Siducinos et Auruncos ex eodem Livii loco et e Fastis Triumph. ad h. a. intelligitur. Sed hic in anno errat Clintonus, qui falso Diodori testimonio se decipi passus est. Hic enim Lib. XVI, 89. sq. tradit T. Manlium Torquatium et P. Decium consulatum gessisse eodem anno, quo Athenis archon fuerit Phrynichus (Ol. 110, 4. a. C.

n. 337.). Verum, quum e Fastis Triumph. discamus Manlium III. Cos. triumphasse de Latinis, cet. anno U. C. 413 (Varr. 414.), sponte intelligitur non in Phrynichum sed in Nicomachum archontem (a. C. 340.) Manlii Deciique consulatum incidere. Tribus igitur annis prius horum consulatus Diodoro fuisset commemorandus. Quum autem hoc loco diserta mentio fiat Samnitum et Etruscorum, magis placet Tecum haec referre ad bellum anno U. C. 458. a. C. 295. Q. Fabio V et P. Decio IV Coss. contra iunctos Samnitum, Etruscorum, Umbrorum et Gallorum copias gestum: quod indicatur verbis *Σαμνιτῶν, Τυρρηνῶν καὶ ἑτέ-  
ρων ἔθνῶν*: Umbros intellige et Gallos. Liv. X, 24. Fasti Triumph. et Consul. ad h. a. Recte igitur Tu statuisti duo ista bella a Tzetza propter ambos Decios esse confusa, quae causa est cur hic Torquatam Decio collegam fecerit; qui tamen fuit Q. Fabius Maximus V Cos., ut recte tradit *Duris* in Diod. Excerpt.; unde evincitur non *Duridem* Tzetzae errori ansam praeuisse. Demiror autem Clintono accidere potuisse, ut alii, quam nos facimus, anno hoc Fr. assignaverit. Nam apud Diod. XVI, 89., ubi Manlii Deciique consulatus memoratur, ne verbum quidem legitur de omnibus iis, quae Duridis auctoritate et a Tzetza et in Diodori Eclogis narrantur. Sine dubio igitur Tzetzes et qui Diodorum excerpsit sua habent e Diod. Lib. XXI, nunc deperdito, qui incipiebat ab anno a. C. 301. Ol. 119, 4.; ubi, quum ventum esset ad annum a. C. 295., commemoratum erat bellum Samniticum, adhibito Duridis testimonio adhuc servato. Nec mirum plenius rem legi apud Tetzem, quippe qui relata a Duride, Diodoro et Dione coniunxit. Quid *Duridi* debeat ex Diodori Excerpto manifesto colligitur.

Iam paucis dicendum est de opportunitate, qua Duris



Romanorum potuerit iniicere mentionem. Quum hic, si Annales Samiorum excipias, ea maxime sibi perscribenda sumserit, quae sua aetate accidissent, composuit etiam opus τὰ περὶ Ἀγαθοκλέα inscriptum. Agathocles, Syracusarum tyrannus (317—289 a. C.), multa sine dubio in magna Graecia gessit, quae Duridi ansam praebere potuerunt, ut de Italiae conditione atque incolis dissereret (Diod. Sic. Excerpt. L. XXI passim) Romanosque commemoraret, qui illo regnante cum finitimis populis conflictabant. Quapropter audacius egit Westerm. ad Voss. H. G. p. 132. not. 20. hoc Fr. Duridis *Μετσδομνός* i. e. Historiis vindicans, quorum argumentum, quamquam eadem tempora spectans, tamen longius remotum est ab iis, quae hoc Fr. continentur. Alia quaestio est, quid rei sit, cur hoc magis tempore quam ante Romanorum fama per Graeciam percrebuerit. Scripsit haec fortasse Duris post annum a. C. 275. i. e. post bellum a Pyrrho contra Romanos gestum (280—275). Nec enim mirum huius belli famam iam mature ad reliquos Graecos emanasse: praesertim quum Tarentini, et ipsi Graeci, ei causam praebuerint. Fortasse ab eo inde tempore paulo accuratior Romanorum apud Graecos notitia. Antiquissimos illorum res Duridis aetate parum exploratas fuisse Graecis, testatur Fr. XXXIX; unde intelligitur vel notissima illa de Cloelia Samium nostrum prorsus latuisse. Sic autem universe de historia est statuendum: tum demum in populorum res inquiri eorumque fata scripto mandari solere, quum hi sive ob auctam potentiam, sive aliam memorabilem ob causam ceteris magis cultis nationibus innotuerunt. Hinc antiquissimae populorum res tenebris involutae et obscuratae: quod inde ortum, quod post ingens demum temporis spatium, quam ipsae res accide-

runt, hae a scriptoribus literis coeperunt consignari. Cuius rei ego luculentiora exempla in veterum populorum historia haud scio an reperiantur quam Macedonum et Romanorum; quorum illi Philippo demum et Alexandro M., hi bellis contra Pyrrhum et Carthaginienses gestis, Graecorum oculos maiorem in modum in se converterunt.

P. 129. Fr. XLIV. Schol. Theocr. .... νοῆσαι.] Ex *Argum. Idyll.* reponendum ἐπινοῆσαι. Dorismum in vocabulo Πολύφαμον fortasse typothetae debemus.

P. 139. Fr. XLVIII. Οἱ δ' αὖτως cet.] Corruptissimos Asii versus iam multi suis emendationibus cumularunt. Quidni et ego meam addam? Nimirum v. 3. fortasse hoc modo legendus: Χιονέοις δὲ χιτῶσι πέδον χθονὸς εὐρὺ ἔσαιγον. V. 1. pro αὖτως scribendum αὐτως; illud enim plane vitiosum est. Nam, ut ab ὄς derivatur ὡς, sic ab αὐτός formatur αὐτως, sic, ipso hoc modo.

P. 147. Fr. LII. Τοῦτον οἱ μὲν πλούσιον, Δ. δὲ πάροι-  
κον cet.] Haec sic stare non posse nemo doctorum non vidit. Perperam tamen plerique suspicati sunt mendum latere in πάροικον: quum illud potius quaerendum est in πλούσιον, quod facile corrumpi potuit ex πολίτην. Nam vocabula πολίτης, πόλεμος, πόλις, πολὺς, seculo XIII et XIV eodem siglo <sup>λ</sup>πο scribebantur (Bast. Comm. palaeogr. p. 834.): et imperitus librarius hic legere potuit πλούσιος.

P. 152. Fr. LVI. Τῆς σοφίης. — πλεον.] Improbanda omnino est ratio, quam in hoc versu interpretando iniit Menagius, quem Te secutum esse doleo. Quia scilicet,

inquit ille, *ultimus fuit sapientum*. Quo nihil falsius dici potest. Vertendum: *sapientias in me summa perfectio est*. Recte haec reddidit Grotius Anthol. Gr. T. III. p. 333. ed. H. de Bosch:

Consummata in me sapientia: viane aliud quid?  
Pythagorae dic ergo meo, longe omnibus ipsam  
Graiugenis praestare: nihil mentitus in hoc sum.

Ut τέλος (de quo Heind. ad Plat. Charm. 110. ad Gorg. 139.) sic et τέρμα tritum est in talibus. Inscriptio columellae sepulcralis Mus. archaeol. Lugd. Bat. (ed. Boeckh. C. I. 800 b.), Ol. 95 non recentior:

Ἐνθάδε τὴν πάσης ἀρετῆς ἐπὶ τέρμα μολοῦσαν  
Φαναγόραν κατέχει Φερσεφόνης θαλαμός.

Vidd. quoque Anaxagorae Epitaph. apud Diog. Laert. I, 10. 15. et Parrhasii versus, quos tabulis suis pictis inscribere solebat, apud Athen. XII, 543. d. — Pro ἦν δέ τι πλεῖον feliciter coniecit Menag. ἦν δ' ἔτι πλ.; quamquam dubium videri potest, quid voluerit ipse epigrammatis auctor. Scripsit autem hic *ÆTI*; quae, ut saepius, bifariam distingui possunt. Hanc *distinctionem* s. *dispositionem*, quam in transcribendis et explicandis vocabulis veterum more una serie scriptis sibi invicem coniunctis, adhibebant Grammatici, διαστολὴν vocabant: Etym. M. v. *Δι' ἀσπίδος*; et *distinguere*, *interpungere* διαστέλλειν. Schol. Hom. II. IX, 110. XIII, 260. — Ceterum tantas laudes hoc versu Pherecydi tributas nemo mirabitur, memor celebritatis, qua ille inter populares fruebatur. De qua re consulendus Sturz. ad Pherecyd. p. 31 sq.

P. 160. Fr. LX. οἱ δὲ, ὅτι — Σαμεινῇ.] His verbis continetur Fr. Duridis, quo pertinent: τὸ δὲ πλάσμα Δούριδος. Molesta illa ὅ ἐστι — Νόστων, mala fortuna hic intrusa, nexum frangunt et locum obscurum reddunt. Bergkii, qui haec Duridis tetigit in Aristoph. Fragm. p. 84. sq., miro sane modo corrigendum censet: τὸ δὲ κόλασμα Δούριδος. Unde colligas loci vim non bene assecutum esse virum eruditissimum. Nam non atrox illa poena commentum Duridis est, sed, ut Tu recte haec interpretaris, carpitur Duris, quia perhibuit Aristophanis versum Σαμ. ὁ δ. δ. spectare στίγματα illa Samiis ab Atheniensibus inusta. Plut. Per. 26. fin. Quod, ut parum fide dignum, reiicitur a Photio et πλάσμα vocatur. Accedit huc, quod κόλασμα Graecum non est: κόλασις dicunt.

P. 162. Fr. LXI. Δούρις — ἐπιτραγοῦται.] Perperam ex hoc loco colligitur Duridem fuisse *poetam*, ut fecit Groen v. Prinsterer de Hegemon. Athen. p. 29. — Verbo *paratragoedare* utitur Plaut. Pseud. II, 4. 17.

P. 164. Fr. LXII. *Quis non dixit — irridetur.*] Satis infirmum ex his Ciceronis verbis argumentum petitur Eratosthenem nominatim carpsisse Duridem, quod tradiderit Eupolin ab Alcibiade in mare esse deiectum. Hoc tantum indicare videtur Cicero, Eratosthenem perstrinxisse et correxisse publicam opinionem, quam et Duris erat secutus. Sed ex h. l. colligi posse Eratosthenem Duridis libros in consilium adhibuisse, ut Te monuisse video p. 50. n. 3., equidem, pignore posito, contendere nolim. Quamquam hoc per aetatem omnino licuisset: nam Eratosthenis nisi natalis, at saltem pueritia in Duridis virilem aetatem vel senectutem incidit. Hic enim audivit Theophrastum, qui obiit Ol. 123, 2.: Eratosthenes autem

decessit Ol. 148, 3. (Clint. ad h. a.), vitamque quadraginta ad minimum annos ultra Duridis mortem produxit. Quapropter vereor ut recte *aequalem* Duridis vocaverit Eratosthenem Panofka R. S. p. 1.

P. 175. Fr. LXVII. τὸν ἥλιον.] Nihil offenderem in vocabulo τὸν ἥλιον, si aut Etymologi, aut glossatoris, unde sua hic habet, verba nos legere persuasum mihi esset. Sed rem, ipsius Duridis verbis magnam saltem partem servatis, nobis tradi, ut saepius faciant grammatici, vehementer suspicor. Scripsit fortasse Duris τὸν υἱόν. Iuvat hic verba Clearchi afferre, quae Duridis testimonio tam accurate respondent, ut fere dicas alterutrum alterum descripsisse. Ille enim: ἡ Ἀθῶν, τῶν παιδῶν τὸν ἑστῶτα (Apollinem) ἐν ἀγκάλαις ἔχουσα — εἶπεν· Ἰε παῖ. Apollinem enim deum vocat et ipse Clearchus, nec vero Ἥλιον, dicens: τὴν Ἀθῶν ἀνακομίζουσαν εἰς Ἀελφονὺς Ἀπόλλωνα καὶ Ἀρτεμιν; et iterum τυχεὶν δὲ τόξα μετὰ χεῖρας ἔχοντα τὸν Ἀπόλλωνα.

P. 181. Fr. LXXIII. κρατῆρα οἶνον cet.] Quid haec conducant ad illustrandam originem locutionis θωρήσασθαι inebriari, me nullo modo perspicere ingenue fateor. Iterum ~~κεκλιμ~~ consului: qui pro κρατῆρα legendum censet θώρηκας. Ita ut vocabulum κρατῆρα non sit merum σφάλμα, sed inepta correctio librarii, totius loci vim parum intelligentis. Et revera loriceis et galeis in talibus saepius usi sunt homines. In deteriorem etiam usum lorica adhibendam censet Trygaeus apud Aristoph. Pac. 1225. sqq. — Verba Schol. Aristoph. Acharn. 1132., cuius interpretationem merito improbat Welcker, ad Theogn. 1009., manifesto mendo laborant. Legendum enim ibi

levi mutatione: καὶ ἀποθώρακας τοὺς μεθύσους ἐκάλουν.  
Conf. Hesych. γ. ἀποθώρακες.

P. 183. Fr. LXXIV. Ὡς τὴν παροιμίαν — τι.] *Locus corruptus, sic fortasse restituendus: ὥς τὴν παροιμίαν παρ-  
ελθεῖν καὶ λέγεσθαι ἐπὶ τῶν προθυμωμένων τι ποιεῖν;*  
i. e. ita ut *proverbium suam significationem paulatim  
amiserit, obsoleverit, et dicta fuerit de omnibus iis, qui  
alacri animo aliquid faciunt. Παράγχεσθαι et παροίχε-  
σθαι significant obsolescere et vim suam amittere; plane  
ut nos dicimus verloopen. Cratinus apud Plut. Per. 13.  
ἐπειδὴ τοῦστραχον παροίχεται. Λέγειν ἐπὶ τινος Gram-  
maticis maxime frequentatum.*

P. 189. Fr. LXXX. Δούρες δὲ καὶ δουλεύσαι αὐτόν (Σω-  
κράτην) καὶ ἀγγάσασθαι λίθους (φησὶν.))] Socratem inter  
philosophos, qui servitutem servierunt apud Gellium  
frustra quaeras. Nec mirum. Nemo enim unquam hoc  
tradidit. Ne Duris quidem talia pronunciavit, opinor.  
Crassior enim foret iste error dicam an ignorantia. Om-  
nia enim, quae Socratem spectabant, illius aetate satis  
erant cognita, ita quidem, ut nec ipse talia crediderit,  
nec alii cuiquam persuaderi posse putarit, nobilissimum  
scilicet illum Atheniensem philosophum summisque in  
patria functum honoribus, qui non nisi civi γνησίῳ obti-  
gebant, servum fuisse aut libertinum. Nec satis placet  
Luzacii opinio, Peripateticorum in Socratem iniquitati  
commentum hoc tribuentis. Quapropter alii, ut rem ex-  
pedirent, putarunt verbum δουλεύειν hic non de vera  
servitute, sed de opera mercenaria esse accipiendum.  
Vid. G. Dindorf. in Steph. Thes. L. G. ed. Gall. in v.; ad  
hanc tamen opinionem muniendam unico hoc Diogenis

loco nixus. Frustra: nam non nisi aut infima Graecitate, aut apud Christianos scriptores (δουλεύειν τῷ Θεῷ) hoc obtinet. Quid igitur? Obliteratam esse veram lectionem non est quod dubitem. Puto Duridem ἐν τῷ περὶ Τορευτικῆς scripsisse Socratem τορεῦσαι καὶ ἐργάσασθαι λίθους. Eum ἐργάσασθαι λίθους, id est statuarium (λιθοξόον) fuisse, bene multi tradiderunt, quos Tu commodè laudasti. Sed, quod Duris praeter reliquos omnes scripsit, hoc est, quod ἐτόρευσεν. Ne quis mihi obiiciat hoc a nemine tradi. Nam non magis alia multa, a Duride narrata et communi opinioni contraria, (meministi enim), apud reliquos scriptores reperies.

P. 192. Fr. LXXXII. ἐν δὲ τῇ χώρᾳ — τροφῇ.] Minus placet Wyttenbachii emendatio, pro vulgato περιδῶν legentis ἰδῶν. Nisi sanus est locus, fortasse leviori mutatione corrigendum περιῶν, *oberrans*. Περιέναι enim apud serioris aetatis scriptores idem est quod ἀλᾶσθαι. Lucian. Tim. 25. Aletes autem exsul in patriam redire conabatur. Quod ut consequeretur, in agro Corinthiaco *oberrabat*, opportunum tempus praestolans, donec, in pastorem aliquem incidens, hunc ex oraculi mandato panis frustum petebat. Ceterum locus interpungendus est sanandus; hoc modo: ἐν δὲ τῇ χώρᾳ περιῶν, τινὰ βουκόλον ἤτει τροφῇ. Eodem modo Schol. Pind. a Te citatus: ἤτει τινὰ ἀγροῦ-κον ἄρτον.

P. 193. Fr. LXXXIII. ἐκμαθούσας τὰς τῆς σελήνης κινήσεις.] Absurda haec sunt. Quapropter, collatis verbis Schol. Apollon. Rh. IV, 59 et 60., non dubito quin legendum sit ἐκλειψεις. Ubique enim, ubi res traditur, minime proditum invenies istas mulieres praedixisse solen-

nes lunae motus atque φάσεις, sed defectus lunae; quam, si deficeret, incantationibus suis de coelo deduxisse se perhibebant Thessalae. Item turbata interpunctione restituta locus sic est legendus: *Δ. φησὶ τὰς Θεσπιαλὰς, ἐκμαθοῦσας τὰς τῆς σελήνης ἐκλείψεις, προαγγέλλειν, ὥς (ἢ σελήνη) ὑπ' αὐτῶν μέλλοι κατὰγεσθαι.*

P. 194. Fr. LXXXV. *ἣ ἀπὸ Ἀσίας τῆς μητρὸς Προμηθεύς.*] Asia, quae ab Apollod. I. 2. Schol. Apollon. Rhod. I, 444. Tzet. ad Lycophr. 1283. Etym. M. v. Promethei mater vocatur, auctore Herodoto IV, 45. uxor Promethei fuit. Herodotum sequitur Eustath. ad Dion. Perieg. 270.

Ibid. *Δουρὶν δὲ Ἀριστοτέλης φησὶ λέγειν.*] Multos haec iam vexarunt. Westermannus suspicatur Duridem, quem hic nominatum invenimus, diversum esse a Samio, rerum scriptore: eo maxime, ut puto, inductus argumento, quod hic ab Aristotele philosopho citari non potuit. Obiit enim hic Ol. 114, 3. a. C. n. 322. (Clint. ad h. a); quo vivente non credibile est iam aliquid in lucem edidisse Duridem. Alii aliter rem expedire sunt conati. Nec satis placet duplex, quam Tu iniisti, ratio. Si quid mutandum, equidem legam *Ἀριστοφάνης*. Aristophanis Byzantini, illustrissimi illius grammatici, glossam a Lexicogr. Seguer. hic nobis apponi, indicat vocabuli *Ἀσιὰς* interpretatio, depromta, ut puto, ex opere aliquo grammatici argumenti, cuiusmodi fuere eius *Ἀττικά λεξείς* et *Γλωσσαὶ Λακωνικάι*. In talibus operibus vocabula difficiliora et vetusta, de quorum origine et significatione ambigebatur, explicata fuisse, satis notum est. Aristophanem Byzantinum nude grammatici passim citant. Vidd. Athen. XI, 485. d. Etym. M. v. *Κύρβεις*. Alioquin fere



additur ὁ γραμματικὸς: ibid. v. Συμβάβυστα. Scrupulo hoc modo sublato non opus est, ut Westermanni opinioni accedamus alium Duridem statuentis; nam commodè, de quo nunc sermo est, Duridis locus referri potest ad librum περὶ Τραγωδίας, unde depromptum est Fr. LXXII, itidem instrumentum musicum (μάγαδιν) spectans. Eodem quoque referam, quae Duridis auctoritate de origine vocabuli Κίθαρος tradit Etym. M. in v. Vid. Fr. LXXXVI. — Cum hoc Lexicogr. Seguer. loco conferendus est Etym. v. Ἀσιότις; ubi fortasse pro τετραχορδός legendum est τετρίωνος: certe alter ex altero emendandus.

Et haec quidem potiora sunt D. V! quae post diligentissimas Tuas in Duridem curas mihi observanda supererant. Reliqua aut minoris sunt momenti aut in rebus valde incertis versantur. Sic, ut hoc utar, scripsit Duris commentarium περὶ Τραγωδίας: de cuius scriptionis indole quamquam certi quid statuere non licet, tamen iure dubitari possit, num forte partem effecerit prolixioris operis περὶ Ἀγώνων: in quo de Tragodia, quae et ipsa ἄγων eaque μουσικὸς fuit, opportune agere potuit auctor. Et contra: quis dicat, an non τὸ περὶ Ζωγραφίας et τὸ περὶ Τορευτικῆς, (quamquam hae affines artes sunt), a Te ad unum idemque opus relata, totidem diversa Duridis fuerint συγγράμματα? Denique, ut hic finem imponam, vel in tam laceris Duridis reliquiis luculentum intuemur specimen disci-

plinae Aristotelicae, cui id maxime fuit proprium, ut in nullo fere humanae cognitionis genere non elaboraret; quam paene omnem illustrissimus auctor mirabili quadam ingenii praestantia complexus, indigestam adhuc nec satis dum distinctam, rite disposuit suisque terminis definivit: eoque nomen parentis omnis severioris et accuratioris doctrinae summo sibi iure vindicavit.

Tu vero D. V! benevolentia Tua me prosequi pergas et in literarum Tuumque commodum Vale.

Scribebam Delfis Batavorum  
x Kalend. Apriles.

---

## EMENDATIONUM PAR.

Observationes meas in Duridem comitentur emendationes duae, quae nuperrime in mentem venere: quarum altera spectat inscriptionem Atticam, altera impeditissimum Alcaei versum.

### I.

Wordsworthius in libro elegantissimo et utilissimo *Athens and Attica* p. 180. (ed. 2.) exhibet titulum a se repertum in rudibus aedificii non longe a Theseo distantis. Quae etiam tunc legi poterant, haec esse dicit:

ΟΥ ΤΑΛΕ ΘΕΑ ΙΜΕΛΗΣ ΑΜΦΙΟΝΙΣ ΗΡ.....  
ΟΥΔΕ ΚΥΚΛΩΠΕΙΑΣ ΧΕΙΡΟΣ ΕΑ.....

Quae feliciter hoc modo restituit: ΗΡ[ΑΤΟ ΜΟΥΣΑ] et ΕΑ [ΑΣΣΕ ΒΛΑ], vertitque:

Nor Cyclopean hand with labour strong  
This pile did raise, nor Amphionian song.

E quibus intelligitur virum sagacissimum intacta reliquisse ΘΕΑ ΙΜΕΛΗΣ. Lacuna in medio hoc vocabulo (nam unum esse mox apparebit) facili negotio expleri potest interposita litera ζ: quo facto habebis vocabulum *Θελξιμέλης*, *cantu alliciens*; quod, quamquam apud scriptores optimae aetatis fortasse frustra quaeras, tamen satis

Graecum est, credo, ut hic locum suum tueatur. In H. Steph. Thes. L. G. (ed. Gall.) in v. tantummodo citatur auctoritas Anon. H. in Virg. 9.: addito corrupto loco Constant. Man. Chron. p. 120 d. *ὑπὲρ ὀργάσας ἑγγας θάλασσι μελῶν*, emendato tamen e Cod. in *ὀργάνων — θελξιμέλων*. Wordsworthius, qui *αὐτόπτης* rei testis est, affirmat formam literarum (quam vellem accurate depictam exhibuisset) indicare, titulum exaratum esse anno a. C. n. circiter 340. Quae si vera sunt, nova auctoritas, lexicis addenda, adiectivum *θελξιμέλης* optimae Graeciae aetati vindicat.

Quae quum iam scripsissem, in pervolvendo Boeckhii C. I., incido in p. 920. Addend. et Corrig., ibique eundem sine dubio titulum (sed quis agnoscat?) ex schedis Fauvelii Köhlerianis a Boeckhio editum intelligo. Sed, quia hoc et Wordsworthium fugisse video, illum e libro Boeckhiano hic exhibebo:

ΟΥΤΑΛΕΘΕΑΗΞΙΝΕΑΗΞΑΜΦΙΟΝΙΣΗΡ.....ΠΠΙΟΥΣ  
ΟΥΑΕΚΥΚΑΩΠΕΡΙΧΕΝΟΕΙΑ.....ΡΕΞΑ

V. 2. Boeckhiius videre sibi visus est: *ὁ δὲ κύκλῳ πε(ρ)ε(ρ)χ...* Corrupta illa *ΘΕΑΗΞΙΝΕΑΗΞ* meam coniecturam confirmant. Simul intelligitur Boeckhium vitioso apographo esse usum parumque fidei esse habendum inscripti-  
onibus aliena manu descriptis. Accuratius enim haec exhibet Wordsworthius; nisi quod singula vocabula a se invicem separata excudenda curavit. Porro vitiosa *ΠΠΙΟΥΣ* et *ΡΕΞΑ*, ut est apud Boeckh., Wordsworthii coniecturis egregie favent; quae tamen utrum iam plane evanuerint, quum lapidem vidit Anglus, an huius oculos fugerint, difficile est dictu.

## II.

Alcaeus apud Athen. X, 430. d.:

*Πίνωμεν· τί τὰ λύχρ' ὀμνέμεν; δάκτυλος ἀμέρα.  
Καθ' ὃ' ἄεθ' ἐκ κυλίχων μεγάλων καὶ τὰ ποικίλλες.\*  
Φοῖνον γὰρ Σεμέλως καὶ Διὸς υἱὸς λαθινάδεα  
ἀνθρώποισιν ἔδωκ'. Ἐγχετ' ἐκ κίχων ἕνα καὶ δύο  
πλείων καὶ κεφάλαι' ἃ δ' ἐτέρω τὰν ἐτέρω κύλιξ  
ᾠσέτω.*


Locum fere exhibeo, ut legitur apud Ahrensium de Ling. Gr. Dial. p. 247., restituto Aeolismo; ita tamen ut huius rei fides sit penes auctorem. Digamma iure postliminii ubique ego suum locum recuperare iussi. Ceterum v. 2. Ahrens., pro αἱ τὰ ποικίλλες, ut est in Codd., e coniectura edidit αἶψα ποικίλαις. Et haec ipsa res est, quam volo. Nimirum diu est, ex quo corrupta illa αἱ τὰ cruciarunt eruditos; quorum coniecturas vide apud Ahrens. l. l. et I. G. Grimm. de Scoliis Graecorum p. 62. Sunt autem hae: αἶψα ποικίλαις, Schneidew., obstante metro; αὐτίκα ποικίλαις, Grimm. — Ahrensii emendatio, Aeolicae dialectus idiomate nixa, qua diphthongi αἰ et οἰ diaeresin patiuntur producta simul vocali ι, quamquam defendi potest, hic nimis torta videtur. Nec enim semper diaeresin istam locum habere testantur Sapphus illa: Ποικιλόθρον' ἀθάνατ' Ἀφροδίτα, et frequenter recurrens vocab. Φοῖνος. Ingeniosa sane est correctio Ahrensii, mutantis αἱ τὰ (ΑΙΤΑ) in αἶψα (ΑΙΨΑ); nam iam mature corruptelam locum invasisse demonstrant ΠΟΙΚΙΛΑΕΣ pro ΠΟΙΚΙΛΑΙΣ. Grimmii αὐτίκα π. eo praestat Ahrensi-anae lectioni, quod in vocabulo ποικίλαις communis usus et quantitas possunt servari. Mihi tamen alia ingredienda videtur via. Requiro enim subiectum, quo refe-

rantur καὶ δ' ἄρ' ἔς et ἔγχε' s: quod praecessisse non puto; nam carminis initium hic nos habere, non est quod dubitem. Idem illud optime sensit Grimmus, vertens: »Affer crebra, puer, plena mihi pocula grandia." Quid si Alcaeus cecinerit

καὶ δ' ἄρ' ἔς κυλίχνας μεγάλας, ὧς βέτα, ποικίλας,

corruptumque esset ΑΙΤΑ ex ΩΕΤΑ s. ΩFETA? Quod sive vocabuli insolentia sive librariorum incuria et ignorantia facile accidere potuit. Frequens enim est et facilis commutatio literae ω in α, et s in ι: ut contra ι in s corruptum videmus in ΠΟΙΚΙΛΑΕΣ pro ΠΟΙΚΙΛΑΙΣ. Ἔτης, Fέτης s. Aeol. Fέτας h. l. amicus, sodalis est, respondetque nostratium maat, kameraad. Hesych.: Ἔτας· ἑταῖροι, συνήθεις, πολῖται, δημόται, φίλοι, ἱπποκouroi. Conf. Apollon. Lexic. Hom. in v. Etym. M. ibid. et in Ὡτᾶν. Duo igitur significat, nimirum civis et amicus. At tertiam significationem affert Hesych.: Ἔτας· τοὺς κατ' ἐπιγαμίαν οἰκείους, cet. Tribus his, ut videtur, significationibus vocabulum usurpat Homerus. Apud recentiores Atticos, apud quos civis πολίτης, δημότης est (Schol. Aeschyl. Suppl. 262.), plane in desuetudinem videtur abiisse; nisi quod nonnulli suspicati sunt eius vocativum superesse in locutione ὧς τᾶν. Vid. Goell. ad Thuc. V, 79. Verum nulla dum mhi innotuit lex, qua vocat. primae declinationis formari possit in αν. Accedit huc quod ipsum vocativum ὧς ἔτα affert Hesych. in v. Semel tamen ἔτης legitur apud Aeschylum, l. l., sed antiquiore Atticismo hic utitur. Apud Aeoles vero et Dores vocabulum usque usu viguisse, testatur foedus Argivorum et Atheniensium, Dorica dialecto scriptum, quod legitur apud Thuc. l. l. ubi vid. Poppe: indicat

item foedus Aeolicum Eleorum et Heracensium apud Boeckh. C. I. 11, ubi *Ἑτας* significat *civis*, sed, eodem modo, quo apud Aeschyl. l. l., *privatus*, opponiturque *magistratus* (*τελείστα*); conf. Boeckh. ad h. l. — Ἑτης digamma habuisse, praeter laudatum Eleorum foedus, arguit hiatus pluribus locis Homericis, ubi vocabulum recurrit. Dissimile veri non est eius formam productionem exstare in *ἑταρος*, *ἑταίρος*; adspiratio enim neminem offendet: confer modo *ἡμαρ* = *ἡμέρα* et *ἦδος* (*ἡδως*) = *ἡδονή*.
















Gd 52.30  
Epistola critica de iuridis Samii r  
Widener Library 001935637



3 2044 085 111 961